



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput II. (a) Belbacensi Episcopo.

[urn:nbn:de:hbz:466:1-74533](#)



TITULUS III.

De Clandestina Desponsatione.

C A P U T I.

Ex Concilio (a) Arelatensi.

Si quis clam desponsaverit aliquam, & mulier, vel vir negat hujusmodi desponsationem, viro incumbit probatio.

N O T A E.

1. (a) **A Relatensi.**] In prima collectione, sub hoc titul. cap. 2. legitur Agathensi, in cuius notis Ant. Augustinus testatur se canonem hunc non reperiisse in ullo ex Conciliis Arelatensi. seu Agathensi.

C O M M E N T A R I U M.

2. **C**um certum sit utriusque iuri principium, affirmanti, non vero neganti, incumbere onus probationis, l. 4. l. qui accusare, c. de edend. l. 2. c. de probat. cap. ultimo, 6. q. 5. cap. 2. de causa possess. & propriet. cap. unic. ut eccl. benef. l. fin. c. de rei vind. ideoque qui voluntatem mutaram dicit, hoc probare debeat, l. cum qui 22. ff. de probat. debitor, qui solutam pecuniam affirmat, probationem praestare debet, l. 1. & ultim. c. eod. variis ampliationibus & exceptionibus illustrant Vultejus de judicis lib. 3. cap. 7. num. 56. Covarr. lib. 1. variar. cap. 1. num. 8. Sels. tom. 2. decis. 217. Gibalinus tom. 2. de negot. l. 6. cap. 3. artic. 8. difficultis est praesens canon dum in eo docetur, semper incumbere onus probandi viro, sive affirmet, sive neget matrimonium clandestinum celebratum fuisse. Tancredus existimat delenda esse ab hoc texto illa verba, vel vir; & legendum esse. *Si quis clam desponsaverit aliquam,* & mulier negat hujusmodi desponsationem, viro incumbit probatio. Tancredo subscribit Antonius Augustinus, in notis ad 1. collect. et si in omnibus libris extare hujusmodi verba affirmet; quos etiam sequuntur Cujac. & Panorm. in præsentia. Cenedus ad Decretal. collect. 58. Ego agnoscō difficultem esse præsentem canonom, nec congruum accipere posse explicationem, nisi dicamus, speciali ratione procedere; quia clam contracto matrimonio, sive mulier, sive vir neget, semper pro muliere stat juris præsumptio, sive neget matrimonium contractum esse, sive affirmet quod celebratum fuit; nec enim credibile est, quod si matrimonium contractum fuisset; hoc mulier negaret; aut etiam contractum esse dixisset; quod reverā contractum non est: idē quia ejus magis intercesserat verum affirmare in hac parte, quam viri, qui faciliter potest invenire alias nuptias; stante ergo pro muliere juris præsumptione, quod matrimonium contractum est, sive ipsa affirmet, sive neget esse contractum, illud necessariō sequitur, quod viro tantum incumbat probatio, l. Quintus, ff. de donat. inter, l. etiam, ff. eod. titul. ut in hoc textu affirmatur, quia sive actrix sit, sive rea, ex juris præsumptione semper habet fundatam intentionem, donec maritus contrarium proberet: aliquid tamen mulier in sua intentionis probationem testes producit, ut in cap. 1. de ordin. cognit. & aliis.

C A P U T II.

(a) *Bellacensi Episcopo.*

Quod nobis ex parte tua significatum est, utrum in clandestinis matrimoniorum dispensare debeamus, non videmus quae dispensatio super his sit adhibenda. Si enim matrimonia ita occulte contrahuntur, quod exinde legitimū testes non appareant, ii, qui ea contrahunt, ab Ecclesia non sunt aliquatenus compellendi. Verumtamen ea, quae sic contrahuntur, si persona contrahentium voluerint publicare, nisi ratio nabilis, & legitima causa præpediat, ab Ecclesia (b) recipienda sunt, & comprobanda, tanquam à principio in conspectu Ecclesiae contraherentur: si qui autem de clandestino matrimonio postmodum ab Ecclesia comprobato, & rato habitu generati fuerint, eos legitimos judices filios, & hæredes.

NOTA E.

1. (a) **B**elbacensi.] Ita etiam legitur in prima collectione, sub hoc titul. cap. 3. & in caput. quod nobis, qui filii sunt legitimi, ubi extat alia pars hujus textus. Post Concil. autem Lateran. p. 50. cap. 17. reperitur textus hic, sed

absque ulla inscriptione. De Belbacensi Decrees nonnulla adduxi in cap. 13. de foro compet.

(b) **R**ecipienda sunt.] Ni sit in præjudicium alterius matrimonii, quia tunc confessiones eorum non statur. Covarr. de sponsalibus prima part. cap. 5. num. 4. Canisius in presenti, numer. 2.

C A P U T III.

Innocentius III. In Concilio (a) Generali.

Cum inhibitio copulae conjugalis sit in ultimis tribus gradibus (b) revocata, eam in caliis volumus districte servari. Unde prædecessorum nostrorum vestigis inhærendo, clandestina conjugia penitus inhibemus, prohibentes etiam, ne quis sacerdos talibus interesse præsumat. Quare speciale quorundam (c) locorum consuetudinem ad alia generaliter prorogando statuimus, ut cum matrimonia fuerint contrahenda in Ecclesia, per presbyteros propounderunt, competenti termino præfinito, ut intra illum qui voluerit, & valuerit, legitimū impedimentum oponat. Cum autem apparuerit probabilis conjectura contra copulam contrahendam, contractus interdicatur expresse donec quid fieri debeat super eo, manifestis constitutis documentis. Si quis verò hujusmodi clandestina, vel interdicta conjugia inire præsumperit in gradu prohibito, etiam (d) ignoranter, sibiles de tali conjunctione suscepit prolus illegitimā censetur, de parentum ignorantia nullum habitura subsidium; cum illi taliter contrahendo, non expertes scientia, vel saltem affectatores ignorantiae videantur. Pari modo proles illegitima censetur, si ambo parentes impedimentum scientes legitimū, præter omne interdictum etiam in conspectu Ecclesie contrahere præsumperunt. Sanè si parochialis sacerdos tales conjunctiones prohibere contempserit, aut quilibet etiam regularis, qui eis præsumperit interesse, per triennium ab officio suspendatur, gravius puniendus si culpā qualitas postulaverit: sed his qui taliter præsumperint etiam in gradu concessio copulari, condigna poenitentia injungatur. Si quis autem ad impedientiam legitimam copulam malitiosē impedimentum objecerit, canoniam non effugiet ultiōrem.

N O T A E.

COMMENTARIUM.

1. (a) **G**enerali.] Lateranensi videlicet can. 5. ubi reperitur textus hic, & in cap. unic. hoc titul. in 4. compil. de quo Concilio nonnulla notavi in cap. 1. de summa Trinit.
2. (b) **R**evocata.] Ut dicemus infra in cap. non debet, de consanguinitate.
3. (c) **L**ocorum.] Gallia præcipue, ubi banna, & hujusmodi denunciations publicæ ante hoc Concilium in usu esse ceperunt, ut patet ex cap. cum in sua, de sponsis notarunt Filefacus de orig. parac. cap. fin. Stephanus Durantius qq. jur. q. 26. Cujac. in dicit. cap. cum in tuta.
4. (d) **I**gnoranter.] Quia talis ignorancia affectata creditur, & indirecte voluntaria, qua non excusat, ut proles illegitima nascatur. Sanchez lib. 3. de matrim. disq. 42. num. 1. Leo Pincl. ad titul. qui filii sunt legitimi. disq. 5. num. 13. Gutiérrez de matrim. cap. 71. num. 8. Pacianus de probat. lib. 2. cap. 16. Castillo lib. 2. rer. quod. cap. 11. num. 8. Basil. de matrim. lib. 7. cap. 26. s. 7. Carena de officio Inquisit. 2. p. titul. 5. s. 14. num. 81. Giurba in consuet. Messan. cap. 1. glos. 1. num. 31. Sanchez de matrim. lib. 3. disq. 42. & 43. Noguerol. alleg. 24. s. 4. Faciunt D. Thomas 1. 2. question. 6. artic. 8. leg. 3. titul. 3. part. 4. leg. 2. titul. 15. part. 2.

Ex his duabus constitutionibus sequens deducitur assertio: Matrimonium publice est celebrandum denunciationibus publice factis à parrocho in Ecclesia; & si quis alter contraherit in gradus prohibito, proles inde suscepit nascitur illegitima, & parochus simili matrimonio affisus per triennium suspenditur. Probant eari textus in cap. aliter 30. q. 5. cap. nullum, cap. nullus, ead. q. 5. Concil. Venerabile sub Stephano III. cap. 15. ibi: Omnes homines laici publicas nuptias faciunt, tam nobiles, quamnobiles. Textus in cap. 2. hoc titul. in 2. collect. ibi: Nullus fidelis cuiuscunq; conditionis occulte faciat nuptias, sed benedictione accepta nubat in Domino: si ergo sacerdos tales nuptias benedixisse occulte inventus fuerit, triennio officio suo suspendatur. Et cap. ad hac 8. de testibus in 1. collect. Concil. Foro Jul. sub Adrian. I. can. 8. ibi: Ita dumtaxat, ut nemini liceat furtim, raptimque nuptias contrahere, ne forte per erroris ignaviam, vel certe, quod pejus est, diabolico instigati amore, illicita connubia celebrentur. Leo IV. in epist. de cura pastor. prope finem, ibi: Omnibus plebis denuntiate, ut nullus uxorem accipiat, nisi publice celebratis nuptiis. Concil. Londin. sub Paschal. II. apud Baron. tom. 12. anno 1102. numer. 13. & sub Innocentio III. Ne contrahatur aliquod matrimonium sine triina